

## Evening Dogri News Bulletin, 23 January 2025

इवनिंग डोगरी न्यूज़ बुलेटिन

समे .18:15 Hrs



### Headlines

- 1 नेता जी सुभाष चंद्र बोस हुंदी जयंती दे सरबंधै च अज्ज मुख भरै च प्राक्रम दिवस मनाया गेआ। प्रधानमंत्री नरेंद्र मोदी होरें देशवासिएं गी आखेआ जे ओहू मुख गी विकसित बनाने लेई नेता जी हुंदे थ्वां प्रेरणा लैन।
- 2 उप-मुखमंत्री सुरिंद्र चौधरी होरें स्मार्ट सिटी दे कम्मै दा जायजा लैता। उनें आखेआ जे जम्मू गी शैल सनाखड़ा बनाने लेई तेज रफतार कन्नै कम्म कीता जा'रदा ऐ।
- 3 औंदे गणतंत्र दिवस दे सरबंधै च जम्मू-कश्मीर च सुरक्षा बंदोबस्त निग्गर करी दित्ते गे ना। सारी सरकारी ईमारतें गी तिरंगे आहली रौशनिएं कन्नै सजाने ते राश्ट्री झंडा चाढने लेई आखेआ गेआ ऐ।
- 4 राश्ट्रीय आपदा प्रबंधन प्राधिकरण नै जम्मू-कश्मीर च 30 जनवरी तगर जंगलें च अग्ग लगने बारै चेतावनी जारी कीती ऐ।
- 5 महाकुम्भ मेले 2025 लेई कटड़ा ते प्रयागराज बश्कार त्रै विशेष रेल गड्डियां चलाइयां जाडन। कल कटड़ा थ्वां पैहली रेल गड्डी चलोग।



### Prakram-Diwas

पराक्रम दिवस 2025 अज्ज नेता जी सुभाष चंद्र बोस हुंदी 128मीं जयंती दे मौके उन्दी सेवा गी चेता करदे होई मनाया गेआ। संस्कृति मंत्रालय तरफा 3 दिनें दा कार्जक्रम आयोजन कीता गेआ ऐ जेड़ा गै नेता जी उन्दे जन्म स्थान कट्टक ते ओडिशा च आयोजित होडन। हाल च गे अपने 'मन की बात' कार्जक्रम च प्रधानमंत्री नरेंद्र मोदी होरें पराक्रम दिवस दा जिक्र कीता हा ते नेता जी सुभाष चंद्र बोस हुंदे योगदान गी चेता कीता हा।



### Netaji-Prez. VP/PM

राश्ट्रपति द्रोपदी मुर्मू, उपराश्ट्रपति जगदीप धनखड़ ते प्रधानमंत्री नरेंद्र मोदी होरें नेताजी सुभाष चंद्र होरेंगी उन्दी जयंती पर श्रद्धांजलि भेंट कीती। अज्ज दे ध्याड़े गी पराक्रम दिवस दे रूप च मनाया जंदा ऐ। इक सोशल मीडिया पोस्ट च राश्ट्रपति होरें आखेआ जे नेताजी होर भारत दी आजादी दी लड़ाई च प्रोत्साहन बदाने आहले अहम किरदार हे। अपने स्त्रेय च उपराश्ट्रपति होरें भारत गी आजादी दोआने च नेता जी हुंदे बिरले योगदान ते

आजाद हिंद फौज दे निर्माण गी उंदी दूर दी सोच ते वीरता दी मिसाल दस्सेया। प्रधानमंत्री मोदी होरें आखेआ जे भारत दी आजादी आस्तै नेता जी हुंदा योगदान दी कोई बराबरी नेई करी सकदा। उनें आखेआ जे ओह साहस ते सब्र दे प्रतीक हे। उंदी सोच म्हेशां देश गी प्रेरित करदी रौहग कीजे अस्स उंदी सोच दे मताबक भारत दे निर्माण बक्ख कम्म करा'रदां। प्रधानमंत्री नरेंद्र मोदी होरें आखेआ।

<><><><><><>

## Dy.CM Smart City

उपमुख्यमंत्री उमर अब्दुल्ला होरें रेजीडेंसी रोड जम्मू च चला रदे स्मार्ट सिटी दे कम्मै दा जायजा लैता। उन्दे कन्नै मुनसीपल कमिशनर-जेएमसी देवांश यादव ते दुए वरिष्ठ अधिकारी मौजूद हे। उपमुख्यमंत्री होरें गुणवत्ता पर कड़ी निगरानी रखने ते परियोजना दे कम्म गी तौले पूरा करने दे निर्देश दित्ते। उनें आखेआ जे जम्मू गी सनाखड़ा बनाने दा कम्म जिन्ना जल्दी होई सकै, उन्ना जल्दी पूरा होई जाना चाइदा तां जे लोकें गी इनें विकास कम्मों दा फायदा थ्होई सकै। उपमुख्यमंत्री होरें आखेआ जे कम्म च लग्गी दिएं एजेंसिएं गी मंजूर योजना तैहत कम्म करने दी हिदायतां दित्ती गेइयां न ते कम्मै दी गुणवत्ता कन्नै केई समझौता नेई कीता जाग। गुणवत्ता च कमी आने पर कड़ी कार्रवाई कीती जागं सुरिंद्र चौधरी होरें आखेआ।

राजौरी दे बडहाल गांस च रहस्यमयी मौतें बारै मीडियाकर्मिएं दे सवाल दा जवाब दिंदे होई उपमुख्यमंत्री होरें आखेआ जे जम्मू-कश्मीर सरकार ते केंद्र सरकार दवें इनें मौतें दे कारणें दा पता लाने आस्तै कडे जत्त करा रदियां ना। उनें आखेआ।

<><><><><><>

## R-Day Security

26 जनवरी गी गणतंत्र दिवस दे कार्जक्रमै दे मद्देनजर पूरे जम्मू-कश्मीर च सुरक्षा कड़ी करी दित्ती गेई ऐ। मुख् कार्जक्रम मोलाना आजाद स्टेडियम च होग जेदी सदरत उपराज्यपाल मनोज सिन्हा होर करडन ते मुख्मंत्री उमर अब्दुल्ला होर मुख् परौहने दे तौरा पर शिरकत करडन। पुलस ते नीम फौजी बलें दी खासी तैनाती कीती गेई ऐ, खास करियै अंतरराष्ट्री बन्ने ते कब्जा रेखा दे आले-दोआले। एह्दे कन्नै प्रशासन नै सरकारी ईमारतें गी रंग-बिरंगी रौशनी कन्नै सजाना ते राश्ट्रीय झंडा चाहने दे आदेश दित्ते न जेड़ा गै राश्ट्रीय गौरव ते एकता दा प्रतीक ऐ। ज्यारा जोर तिरंगे दे रंगें कन्नै रौशनी दी सजावट पर दितता जा'रदा ऐ। सरकारी मलाजमें गी उन्दे जिले च आयोजित आधिकारिक गणतंत्र दिवस कार्जक्रम च हिस्सा लैने दे आदेश बी दित्ते गेदे ना।

<><><><><><>

## R-Day Tableaux

देश दी विविधता ते सांस्कृति समावेश गी पेश करने आस्तै बक्ख-बक्ख राज्यें ते केंद्र शासित प्रदेशें थमां कुल 26 झांकियां 76में गणतंत्र दिवस परेड च दसी जाडन। एह् झांकियां स्वर्णीय भारत विरासत और विकास विषे पर

आधरित न। परेड च 16 राज्यें ते केंद्र शासित प्रदेशें सने 10 मंत्रालय ते विभागें तरफा झांकियां पेश कीतियां जा 'रदियां न जिंदी अपना बक्खरा-बक्खरा विषय ऐ। रक्षा मंत्रालय नै आखेआ ऐ जे एहू झांकियां भारत दी बक्खरी-बक्खरी शक्तिं गी दर्शाडना। इस साल दी परेड दा मुख्ब आकर्षण Tri-Services झांकी यानि त्रौनें सेनाएं तरफा झांकियां न जेदा विषय सार सशक्त और सुरक्षित भारत ऐ।

<><><><><><>

## NDMA

राश्ट्रीय आपदा प्रबंधन प्राधिकरण नै अगले 7 दिनें लेई जम्मू-कश्मीर दे जंगलें च अग्ग लगने दे खतरे सरबंधी इक चेतावनी जारी कीती ऐ। जम्मू खित्ते च लम्में चिरें तगर खुशक मौसम बने रौहने दे चलदे एहू चेतावनी जारी कीती गेई ऐ। प्राधिकरण आसेआ एहू चुनौती अगले 7 दिनें लेई जारी कीती गेई ऐ की जे लम्मे चिरै थवां बरखा नेई होई ऐ ते अग्ग लगने दा खतरा ऐसे च बदी जंदा ऐ। कुसै बी आपात स्थिति दौरान 112 नंबर पर डायल करने लेई आखेआ गेआ ऐ। NDMA दी एहू चेतावनी 30 फरवरी बडुलै 11 बजे तगर लेई ऐ।

<><><><><><>

## Special-Trains

उत्तर रेलवे आसेआ महाकुम्भ मेले च जाने आहले श्रद्धालुएं दी सुविधा लेई श्री माता वैष्णो देवी रेलवे स्टेशन कटडा ते प्रयागराज बश्कार त्रै विशेष रेल गड्डियां चलाइयां जाडना। श्री माता वैष्णो देवी रेलवे स्टेशन कटडा थमां पैहली रेल गड्डी कल यानि 24 जनवरी गी बडुलै मूह न्हरे 3 बज्जियै 50एं मिनटें पर चलोग ते 25 जनवरी गी प्रयागराज थमं वापस पुज्जोग। एहूदे परैंत अगली ट्रेन 7 फरवरी गी बडुलै मूह न्हरे 3 बज्जियै 50एं मिनटें पर कटडा थमां चलोग ते अगले रोज बडुलै 4 बज्जियै 25 मिनटें पर प्रयागराज पुज्जोग। एहूदे परैंत त्री ट्रेन 14 फरवरी गी कटडा थमां बडुलै 3 बज्जियै 50ण् मिनटें पर चलोग ते अगले दिन बडुलै 4 बज्जियै 25 मिनटें पर प्रयागराज पुज्जी जाग।

<><><><><><>

## DEC-Samba

साम्बा दे जिला रोजगार केंद्र आसेआ जिला रोजगार ते परामर्श केंद्र साम्बा च इक रोजा जाँब फेयर दा सरिस्ता कता गेआ। एहू आयोजन जिले दे बेरोजगार नौजोआनें लेई हा। इस जाँब फेयर दा उद्घाटन साम्बा दे डिप्टी कमिशनर राजेश शर्मा होरें कीता। जाँब फेयर दौरान तकरीबन 300 युवाएं हिस्सा लैता। आकाशवाणी समाचार कन्नै गल्ल करदे होई साम्बा दे डिप्टी कमिशनर होरें बेरोजगारें गी आखेआ जे ओहू नेह मौके थवां बद्दोबद्द लाहू ठोआन। उनें आखेआ।

<><><><><><>

## City Forest Kishtwar

किश्तवाड़ च पर्यावरण दे तवाजम गी होर बेहतर करने ते सैलतन गी बढ़ावा देने दे मकसद कन्नै किश्तवाड़ दे डिप्टी कमिशनर राजेश कुमार शवण होरें कल किश्तवाड़ कस्बे च महत्वै आहले सिटी फारेस्ट प्रोजेक्ट दा नीह पत्थर रक्खेआ। इस दौरान एक पेड़ मां के नाम मुहिम तैहत बूटे लाने आहले अभियान दी शुरूआत कीती। एहदी शुरूआत किश्तवाड़ दे डिप्टी कमिशनर होरें कीती। इस प्रोजेक्ट तेहत 280 कनाल थवां मती जमीन पर 25 जहार थवां बद् बूटे लाए जाडन। इस मौके पर बोलदे होई राजेश कुमार शवण होरें आखेआ।

<><><><><><>

## Kishtwar-Beekeeping

किश्तवाड़ जिले च राई-बाई मैहकमे आसेआ राश्ट्रीय भौरपालन ते मखीर सरबंधी मिशन तैहत साईसदी ढंगै सिर भौर पालन बारै 7 रोजा सिखलाई कार्जक्रम दा सरिस्ता कीता गेआ। एह कार्जक्रम मुतल्लका अधिकारिणं लेई हा। कार्जक्रम दा आयोजन राई-बाई मैहकमा जम्मू दे निदेशक अरविंद्र सिंह रीन हुंदी हिदायतें ते किश्तवाड़ दे जिला विकास आयुक्त हुंदी दिक्ख-रिक्ख च होआ। कार्जक्रम च नेह 40 लोकें हिस्सा लैता। उद्घाटनी सत्र दौरान किश्तवाड़ दे मुख् राई-बाई अधिकारी होरें फील्ड अमले गी हिदायत दिती जे ओह भौर पालन बारै बक्ख-बक्ख स्कीमें दी अमलावरी यकीनी बनान।

<><><><><><>